

ՀՈՒՇ-ՀԱՆԴԻՍՈՒԹՅՈՒՆ՝ ՆԿԻՐՎԱԾ ԱՇՈՏ ՀԱՐՈՒԹՅՈՒՆՅԱՆԻ  
ԾՆՆԴՅԱՆ 90-ԱՄՅԱԿԻՆ

Լրացավ անվանի պատմաբան, արխիվային գործի մեծ երախտավոր Ա-  
շոտ Հովսեփի Հարությունյանի ծննդյան 90-ամյակը: Այգ տարելիցին էր  
նվիրված այն հուշ-հանդիսությունը, որը վերջերս կազմակերպել էր ՀՀ  
կառավարությանն առնթեր արխիվային գործի վարչությունը:

Հանրապետության պետարխիվների կենտրոնական մասնաշենքի նիս-  
տերի գահլիճը լեփլեցուն էր: Այստեղ էին հավաքվել անվանի պատմա-  
բաններ, Երևանի առաջատար ԲՈՒՀ-երի դասախոսներ, Ա. Հարությունյա-  
նի գավակները, մարտական ընկերներն ու գործընկերները, արխիվային ու  
լրրտի աշխատողներ: Եկել էին իրենց հարգանքի տուրքը մատուցելու  
հայրենասեր գիտնականին, արխիվային գործի անխոնջ կազմակերպչի հի-  
շատակին:

Նիստերի դահլիճի հարևանությունը կազմակերպվել էր Ա. Հարություն-  
յանի կյանքին ու գործունեությանը նվիրված փաստաթղթերի ընդարձակ  
ցուցադրություն՝ ուսումնառության տարիներին, Հայրենական մեծ պա-  
տերազմին նրա մասնակցությանը վերաբերող, աշխատանքային, գիտա-  
կան գործունեությունն արտացոլող բնօրինակ փաստաթղթեր, լուսանկար-  
ներ, հեղինակած մենագրություններ:

Հուշ-հանդիսությունում ելույթ ունեցողներից յուրաքանչուրը ներկա-  
յացրեց իր տեսլականը Ա. Հարությունյան մարդու, մարտիկի, հետազոտող  
գիտնականի, հասարակական գործչի, արխիվային գործի կազմակերպչի,  
ընտանիքի հոր և ընկերոջ մասին: Ամբիոնից հնչած դնահատանքի,  
պատմվածի և ասվածի, ցուցադրությունում տեղ գտած փաստաթղթերի  
ընտրանու միջոցով համակողմանիորեն ներկայացվեց այն գործչի կերպա-  
րը, որն իր ապրած ոչ լրիվ 75 տարիներից 55-ը՝ գիտակից-ինքնուրույն  
կյանքի շեմը ոտք գնելու պահից ի վեր, ամբողջովին նվիրաբերեց ծառա-  
յելու հարազատ երկրին ու ժողովրդին:

Միաբերան էին բոլորը, որ Ա. Հարությունյանն այն մարդկանց թվին  
էր պատկանում, որը չնայած կյանքի բեկ-բեկ ընթացքին ու ահեղ ալեբա-  
խումներին՝ մանկավարժական աշխատանք, բանակ, պատերազմ, գիտա-  
կան, կառավարչական-կազմակերպական գործունեություն, գործել է նպա-  
տակամղված, իմացել է ինչ է ուզում կյանքից և ինչ կարող է տալ կյան-  
քին, այն մարդկանց թվին, որին որտեղ էլ առաջնորդած լիներ ճակատա-  
գիրը, արել է իր ուժերի ներածի առավելագույնը:

Ուսման ծարավը ուղեկցել է նրան ողջ կյանքում: Հատկանշական է, որ  
որտեղ, երբ և ինչ հաստատությունում սովորած լիներ՝ սկսած իր հայրենի  
Ղափանի շրջանի Արծվանիկ գյուղի տարրական դպրոցից, մինչև Երևանի  
մանկավարժական ինստիտուտի պատմության ֆակուլտետն ու զինվորա-  
կան հաստատությունները, որոնց թվում և Մոսկվայի Ֆրունզեի անվան

ոսղմական ակադեմիայի դասընթացները, բոլորն առանց բացառություն.  
Ա. Հարությունյանն ավարտել է գերագանց գնահատականներով, իսկ մի  
քանիսն էլ ժամկետից շուտ՝ էքստենս կարգով:

Որտեղ, երբ և ինչ կազմակերպությունում, ասպարեզում աշխատելիս  
կամ գործելիս լինել, ամենուրեք արժանացել է բարձր գնահատանքի: Իսկ  
աշխատել սկսել է 1930 թվականից, երբ Գորիսի մանկավարժական տեխնի-  
կումի նորավարտ դեռևս 19-ը չբոլորած սանը, սովորողի նստարանը փո-  
խարինում է դպրոցի տնօրենի պատասխանատու աշխատանքով: Այնու-  
հետև ավելի քան քառորդ դար գտնվելով զինվորական ծառայության մեջ  
դառնում է խորհրդային բանակի աչքի ընկնող մարտական հրամանա-  
տարներից մեկը: Ահա նրա ծառայողական բնութագրերից մեկը,  
տրված 1940 թ. Կարմիր բանակի քաղկազմի պահեստայինների դասըն-  
թացներն ավարտելու կապակցությամբ. «...կարգապահ է, օրինակելի,  
վճռական, պահանջկոտ իր նկատմամբ, հեղինակություն է վայելում սովո-  
րողներին և հրամանատարներին շրջանում, ունի շնորհակալագիր գերագանց  
ուսման համար...»:

Սկսվում է Հայրենական մեծ պատերազմը: 1941թ. հուլիսից Ա. Հարույն-  
յունյանը գործող բանակում է՝ 409-րդ հայկական հրաձգային դիվիզիայի  
գնդերից մեկում: Մասնակցում է Հյուսիս Կովկասյան, ապա նաև Հարավ-  
արևմտյան, 2-րդ Ուկրաինական ռազմաճակատների ստորաբաժանումների  
կողմից մզվող կատաղի մարտերին, աչքի ընկնում անձնական խիզախությ-  
յամբ, արժանանում մարտական մի շարք պարգևների: Հատկապես նշանա-  
կալից էին 1942թ. դեկտեմբերին Մոզգոկի ուղղությամբ՝ Բեզրուկովոյի  
շրջանում, Կուրանում և 1943թ. նոյեմբերին Դնեպրի գետանցի համար ծա-  
վալված լեժ պատերազմական գործողությունները, որոնց ժամանակ նա  
երկու անգամ վիրավորվում է, որից մեկ անգամը՝ ծանր: Այդ վճռորոշ  
մարտերում Ա. Հարույնյանի մասնակցության մասին այսպես էր  
դրում 409-րդ դիվիզիայի կուսհանձնաժողովի քարտուղար Գուլյանը.  
«1943թ. նոյեմբերին դիվիզիայի գործառնություն կրկակոխ հետապնդելով  
թշնամուն, գրոհով մոտեցան Դնեպրի ձախ ափին: Գուլյանը, որտեղ ծառա-  
յում էր Ա. Հարույնյանը, նրա ղեկավարությամբ կարողացավ իրագոր-  
ծել գետանցը, թշնամին հակադրողներ կազմակերպեց տանկերի օգնությ-  
յամբ: Երկու օր ու գիշեր թեժ մարտեր էին գնում Մալայա Աննովկայի ե-  
րեք բարձրունքների շրջանում: Ծանր վիրավորված և արյունաքամ լինող  
կոմիսարը չթողեց մարտադաշտը այնքան ժամանակ, մինչև որ հրետանա-  
յին-տանկային թարմ ուժերը օգնություն հասան...»:

Ա. Հարույնյանը բանակին հրաժեշտ է տալիս 1963 թ. հունվարին:  
Խորհրդային Միության կրկնակի հերոս, բանակի հրամանատար գեներալ-  
լեյտենանտ Դրագունսկին անձնական երաշխավորությամբ հատուկ նա-  
մակով դիմում է ՀՍՍՀ գիտությունների ակադեմիայի պրեզիդենտ Վիկ-  
տոր Համբարձումյանին, բանակից գնդապետի աստիճանով գորացրված,  
կայացած պատմաբան Աշոտ Հարույնյանին աշխատանքի ընդունելու  
ակադեմիայի պատմության ինստիտուտում: Իսկ նա, իրոք, արդեն կայա-  
ցած պատմաբան էր. ծառայելով բանակում նա հասցրել էր էքստենս կար-  
գով ավարտել երևանի պետական համալսարանին առընթեր ասպիրան-

տուրայի գասընթացները և պաշտպանելով գիտական թեզ, ստանալ պատմական գիտությունների թեկնածուի աստիճան (1950թ.): Ա. Հարությունյանը նույն 1963 թ. հունվարին նշանակվեց ՀՍՍՀ Մինիստրների սովետին առընթեր արխիվային վարչության պետ և իր կյանքի վերջին՝ շուրջ քառորդ դարն անմնացորդ, այս բառի բուն նշանակությամբ, նվիրեց արխիվային գործի կազմակերպմանն ու զարգացմանը: Մեծ կենսափորձը, կազմակերպական ունակությունները, գիտական զգալի պաշարն ու անհագուրդ ծարավը հայրենի պատմության նկատմամբ թույլ տվեցին նրան ամենակարճ միջոցում տիրապետել, չնայած ծանոթ, բայց և միանգամայն ուրույն ոլորտի, բոլոր յուրահատկություններին ու նրբություններին, դառնալ հանրապետությունում արխիվային գործի զարգացման գլխավոր լոկոմոտիվը:

Այս ասպարեզում նվաճված բնագծերը զգալի էին, տեսանելի, շոշափելի, մնայուն այն չափով և աստիճանի, որ առ այսօր արխիվային աշխատողները, հանրապետության պատմաբաններն ու արխիվների հետ երբևիցե առնչվողները չեն կարող Աշոտ Հարությունյանի անունը տալիս դրվատանքի և երախտիքի ինքնաբուխ խոսքեր չասել նրա հիշատակին: Հենց այսպիսին էին հանդիսությունում հնչած ելույթներից շատերը՝ սթափ դնահատանքի հետ միաժամանակ՝ զգացմունքային: Նշում էին Ա. Հարությունյանի կյանքի և գործի կանգուն հուշարձանների, ամենից առաջ նրա անձնական ջանքերով հիմնված նորաստեղծ պետարխիվների, դրանց հոյակերտ շենքերի մասին, առանց որոնց արխիվային գործի զարգացման մասին խոսք լինել չէր կարող:

Անուրանալի է նաև Ա. Հարությունյանի գիտական վաստակը՝ պատմագիտական ծավալուն ուսումնասիրություններ, հրապարակված արժեքավոր մենագրություններ, գիտական հոդվածներ, այդ թվում՝ արխիվագիտական: Դրանցից մասնավորապես հիշատակելի են դեռևս նրա կենդանության օրոք լույս տեսած «Կովկասյան ռազմաճակատը 1914-1917թթ.», «Սովետական Միության նավատորմի ծովակալ Ի. Ս. Իսակով» (Խորհրդային միության մարշալ Հովհ. Բաղրամյանի առաջաբանով), «Թուրքական ինտերվենցիան Անդրկովկաս 1918թ. և ինքնապաշտպանական կռիվները» և էլի 7 անուն մենագրություններ: Նրան բախտ չվիճակվեց հրատարակված տեսելու զորավար Անդրանիկին նվիրված շուրջ 30 մամուլանոց խիստ արժեքավոր ուսումնասիրությունը, որն այսօր էլ դեռ սպասում է իր հրատարակչին: Եվ այս ամենը դրված գերազանցապես առաջին անգամ դիտական շրջանառության մեջ դրված փաստաթղթերի հիմքով: Նա առաջիններից մեկն էր, որ ձեռնամուխ եղավ ազգային մեծերի, որոնց թվում և զորավար Անդրանիկի կյանքի և գործի լուսաբանմանը: Նրա նախաձեռնությամբ և անմիջական ղեկավարությամբ կազմվեցին և լույս ընծայվեցին փաստաթղթերի արժեքավոր մի շարք ժողովածուներ: Այդ դործերը նրան՝ արժանի հեղինակություն, համբավ ու համակրանք էին բերում ժողովրդի, պատմագիտության անեղծ մշակների շրջանում: Սակայն նա այդպես էլ տպագրված չտեսավ «Զորավար Անդրանիկ. փաստաթղթեր և նյութեր» ժողովածուն, որը լույս տեսավ նրա մահից 5 տարի անց միայն: Բայց Ա. Հարությունյանը շարունակ խրախուսանք և քաջալերանք էր ստանում

նշանավոր մարդկանցից, որոնց թվում նաև Խորհրդային Միության մարշալ Հովհաննես Բաղրամյանից և նավատորմի ծովակալ Հովհաննես Իսապուրից:

Հայկ Բժշկյանց – Գային նվիրված փաստաթղթերի ժողովածուի լույս ընծայման կապակցությամբ (1971թ.) Գայի դուստր Թամարան Աշոտ Հարությունյանին ուղղված նրախտիքով լի նամակում գրում էր. «Ես անսահման շնորհակալ եմ Ձեզանից «Բանբեր արխիվներին» հանդեսի համարը ուղարկելու և առավել շնորհակալ եմ Ձեր կողմից կատարված աշխատանքի՝ իմ հոր մասին լուրջ պատմական գրքի լույս ընծայման համար... Ես միշտ նրապիտակ էի այդ մասին... Ես երջանիկ եմ, որ այդ ամենը հրապարակված է և այդ մասին կիմանան մարդիկ... Եվ դա Ձեր և Ձեր գլխավորած կոլեկտիվի շնորհիվ...»:

Հանրապետության գլխավոր արխիվագետը մեծ հեղինակություն էր վայելում նաև միութենական մասշտաբով: "Советские архивы" համամիութենական դիտական հանդեսը Ա. Հարությունյանի մահախոսականում գրում էր. «Երկրի արխիվիստները բարձր էին դասում Աշոտ Օսիպիչի կազմակերպչական ունակությունները, նրան ներհատուկ քաղաքացիական պարտքը, նրա անբավարարվածությունը ձեռքբերումներով, էնտուզիսիզմն ու նախաձեռնությունը աշխատանքում, տեսական ու գործնական խոր դիտելիքները արխիվային գործում»: Որ դա, իրոք այդպես էր, երևում է թևկույ այն բանից, որ այսօր էլ Ռուսաստանում լույս ընծայվող հիմնարար արխիվագիտական աշխատանքներում անպայմանորեն օգտագործվում են նաև նրա արխիվագիտական ժառանգությունը կազմող հոդվածներն ու գործերը: Վկա՝ անվանի արխիվագետ Ն. Վ. Ավտոկրատովի Մոսկվայում վերջերս լույս ընծայած արխիվագիտության վերաբերյալ ուսումնասիրությունը:

Այսօր, տարիների հեռվից, ավելի է արժեկորվում Աշոտ Հարությունյանի դիտական ժառանգությունը, նրա կատարած կազմակերպական գործը:

ՍԵՐԳԵՅ ԱՄԻՐՅԱՆ